

之而地道不能成就惟人道獨能法則於天地變化於萬有興廢於萬事者亦自此而然也

金丹詩

虛無之神統御萬靈先天地祖運日月精列光垂象造物變形推遷歲紀應用生成旁通恍惚鼓盪杳冥乾坤布化導引羣情幽玄奧妙賢劫聖因

其一

宇宙之中幾丈夫惟神惟聖法規模無爲善入羣生性獨立能開造化爐不逐東風吹柳絮休教秋月照冰壺金丹運至泥丸穴名姓元來記玉都

道藏輯要

太古集

元 胃集八
川〇七

其二

五五純陽足有功大圓乾象以爲宗降形直入滄溟窟混體攸躋窈漠中有遇坎男騎白鹿無爲離女跨青龍當期一邁三千日鶴化鳥龜石化松

其三

紅鼠黑蛇越世奇神仙此際泄天機雷聲一震三山裂日出同光四海知見說老人呈皓首又聞赤子掛青衣先生謂彼敷真理報道郎君來得遲

其四

黃羊化作白猿猴猛虎留蹤待赤牛兔在穴中狸在火玄通妙

處道根由誕靈降跡推遷運十二春還六十秋道氣歸身逢至友蓬萊會上約瀛洲

其五

一七元中九六年始知我命不由天炎風鼎內消紅雪偃月爐中鍊瑞蓮斜枕曲江方睡覺海經三度變桑田南柯昔日黃梁夢說與崑崙太古仙

其六

恒星不現卽如來靜止安恬別立階四變良宮成妙體返形草命達真胎學人悟此通心印覺者知之理性才解得箇中弧矢意千經萬論一齊開

道藏輯要

太古集

罕

三〇二

胃集八

其七

三月雷轟一二聲始知天下鬼神驚風乘雲勢三千里虎假龍威九萬程萬化門中爲主宰八紘境裏作經營震之內象爻俱動上德皇君具姓名

其八

鼎器從來六有三一歛一側一安鑲金鉉玉質通嘉致供聖養賢煉瑞丹風火家人能返照變形易體改容顏須知烹飪成新法傳得鍾離道不難

其九

兌家有卦號歸魂返老延齡別有門少女聘時須待命長男交

日見重孫口中安口如何說身外有身豈可論休道神仙無覓處蛻形忘跡道常存

其十

三千甲子一仙人天地之根造化神把握陰陽都一指斡旋萬象統微塵多應父少兒還老料想邪魔卻是眞解得神機顛倒理壺中長是笑欣欣

其十一

蒼龍鬪虎不曾閑少女驅回六長男會向黃庭頻俯仰甯知玉戶默包含寶瓶頻綻紅蓮朶獅子潛行黑玉潭力士擒將歸洞府萬神羅列競來參

道藏輯要

太古集

聖

胃集八

其十二

八卦相乘定主賓五行生剋驗君臣青鸞撞入火龍窟赤鳳飛吞金虎身夫婦相交調律呂父男合順得中純皆因神氣能常守一息沖融一寸眞

其十三

欲識丹砂分兩齊西南北位配三奇九陽宮裏開金戶陰六堂前攬玉池銖別三百八十四斤分十六兩須知午前子後隨時用萬道霞光罩玉輝

其十四

鉛汞須分陽與陰半斤銀合半斤金火雲飛九牛即鼻霜月穿

開織女心神水貯藏金井滿道源澄照玉泉深昇沉顛倒明離
坎未悟之人何處尋

其十五

日精東畔月華西正是丹天壯盛時二八佳人呈雅態九三君
子騁容儀水晶簾掛珍珠砌碼碯幢懸翡翠帷試問本來歸甚
處七星樓上不曾離

其十六

刀圭元屬甚人家赤鳳端眸看落霞岸上草逢添瑞色灘頭石
遇結靈砂北溟幾度鋸犀角南浦屢曾摘象牙更有一般堪賞
處天池裏面放金花

道藏輯要

太古集

望

胃集八
川〇三

其十七

問云何是最相宜奪得神功造化時虎踞碧潭風颼龍蟠朱
洞雨漉漉雲英散卻雷霆息露滴成須星斗移直待東方橫素
練彩霞捧出一輪曦

其十八

淳風高曠世非同不達幽微止謂空得意詩情唯自樂知心道
話幾人通都緣執性迷真性盡得淳風味教風一粒金丹爐內
有料無仙骨卒難窮

其十九

陽九宮中大覺僧擎拳端坐誦黃庭神光射透虛空藏瑞氣清

凝聚寶瓶遊冥洞天呈手段遍資法界騁威靈從茲解得西來
意混沌之前豈有形

其二十

學仙須是學金丹鉛汞將來鼎內安用火周天依次叙添功歲
月莫盤桓存神先使心頭靜養氣休令舌下乾十二時中無懈
怠自然性命保全完

其二十一

五氣同宮共一家相資運斡務生涯河車不離長安道寶貨常
留桂月華鉛汞混融成上瑞氣神靈慧結丹砂全真妙用符玄
用爛飲流霞潁彩霞

道藏輯要

太古集

聖

胃集八
川一

其二十二

如何得得飲刀圭無血羊兒是可刳山澤氣通雲出谷地天交
秦木生梯坎離匹配知顛倒龍虎回還顯悟迷解得於中消息
理管教平地踏雲霓

其二十三

常聽壺中金石聲凡情除去道情生陽神全後渾無寐陰魄消
時更覺清火裏生蓮猶是可水中搏塊決然成圓融二物常相
會穩駕雲車赴玉京

其二十四

閑引金烏宴月宮偶然會合便圓融神光照徹靈空體妙道衝

開造化籠心識始知蝸舍客慧眸方見主人翁從茲啓悟身爲
患不執虛名是大通

其二十五

學道先須絕外華修真養素屬仙家忘情蓋爲烹金液息慮都
緣槿紫砂一性朝元攢五氣萬神聚頂放三花從茲得達長生
路永向清霄混彩霞

其二十六

出家稟意望求仙必在真師口訣傳鑪內飛鉛常固濟鼎中結
汞永新鮮流金作屑銷龍骨滴露爲霜長玉涎心鏡一磨明照
徹本來面目自然圓

道藏輯要

太古集

雷

胃集八
川一

其二十七

修行休彊做逍遙莫向空房守寂寥紫府不令羣虎鬪丹宮能
使萬神朝遊山每達青霄路渡水常登剝木橋採得靈芝頻服
餌何須林下掛簞瓢

其二十八

三一壺中景異常長眉翁坐着松篁六銖絳彩裝金相十二重
樓飲玉漿白鶴樹邊頻俯仰烏龜池畔任低昂靈童款步前來
立獻與先生續命湯

其二十九

元氣混成清淨體彩雲突出五方霞金丹結就純陽子玉液澆

開不夜花無相門中堆白雪
虛空藏裏產黃芽
長生路上行人少
祇是仙家與道家

其三十

天風吹綻洛陽花
六合同塗意不差
閑採牡丹烹嫩藥
靜收芍藥
樽英華調和二物
清神氣
溉濟三田
餌麥麻
攜酒宴闌乘興
逸坐騎白鹿入雲霞

道藏輯要

太古集

聖

胃集八

正一天師清微弟子共百堅製作

道教學術資訊網站